

Dáidda ja dáiddár

Dáidda ja dáiddár leat sápmelaččaide ođđa doahpagat. Nu gohčoduvvon sieiva dáidda ii ovdal lean. Olbmot áddejedje čábbodaga ja praktihkalašvuoda nu, ahte dat gulle oktii. Árbevirolaš sámi duodji lea das buorre ovdamearka.

Máttut álbmotdáidagis

Sámi dáidda lei hui guhkká ng. álbmotdáidda, iige dujiide, bargguide lean dáhpi bidjat dahkkiid namaid. Duojs ja muhtin hábmema surggiin dát vuohki lea ainge anus. Čeahpimus atnubiorgasiid dahkkit dahje dáiddaduojarat geavahit ainge árbevirolaš dáidaga ja tehnikka. Sin barggut ja duojit leatge joatkka sámi duodjeárbevrrui. Sámi dáiddáriidda lea ainge dábálaš, ahte sii ožžot inspirašuvnnaset sámi árbevieruin, luonddus ja ealáhusain. Dán áigge dáiddárat dávjá ovtastit árbevieruid ja luonddu dan ođđa bargan-, duddjon- ja ollašuttinvugiide ja dáidda oidno maid ođđa birrasiin.

Maŋimuš áiggiid ain eanet sámit leat vázzán oarjemáilmmi dáiddaskuvllaid ja sii leat bargagohtán dáidaga oarjemáilmmi dáiddaipmárdusa mielde nu, ahte dáidagis lea bohtán dáidda, iige buvttá leat beare čappa atnubiorggas.

Sápmelaččat váikkuhit dán áiggi miehtá sierra dáiddasurggiid; govvadáidagis, girjjálašvuodas, musihkas, ealligovvadáidagis, teáhteris, dánsumis jna. Lea goittotge oalle dábálaš, ahte sámi dáiddárat leat nu gohčoduvvon multidáiddárat, geat barget dáidaga maŋgga suorggis .

Gáldu: Rensujeff, Kaija: Kásin, sävelin, sanoin ja kuvin. Saamelaiset taiteilijat Suomessa.